

百名家詞鈔

名家詞鈔目錄

廬陵 聶先 晉人

纂定

長水 曾王孫 道扶

陶邨詞

錫山 王允持 簡在

生查子

長相思 二調

菩薩蠻

桃源憶故人

滿江紅 四調

霜天曉角

玉燭新

十二時

念奴嬌 二調

風流子

千秋歲

荷葉盃

羅敷媚

偷聲木蘭花

酒泉子

萬年歡

一叢花

賀新郎

感皇恩

水調歌頭

解語花

師師令

踏莎行

卜算子

鳳凰臺上憶吹簫

三調

倦尋芳

小重山

解連環

鳳凰閣

月上海棠

青衫濕

錦纏道

木蘭花慢

畫屏春色

齊天樂

惜秋華

南鄉子

一剪梅

臨江仙

二調

春風裊娜

青玉案

水龍吟

金菊對芙蓉

柳梢青

虞美人

摸魚兒

燭影搖紅

玉漏遲

齊天樂

疎影

青門引

陶村詞

錫山 王允持 簡在

生查子

歡攜碧玉簫。妾按黃金縷。宴罷小樓空。一枕吹殘雨。
別路指西江。統統鳴津鼓。愁絕倚欄人。涼月生秋
浦。

長相思

山幾亭。水幾亭。身在關仝畫裏行。馬頭雲乍生。風
一程。雪一程。已到河橋酒幔青。盧姬含笑迎。

前調

住又難。去又難。屏裏西江無限山。相思淚暗彈。人
也單。月也單。倘得羈魂一夕還。中門休上關。

菩薩蠻

是○花○都○向○風○前○謝○遊○蜂○不○上○茶○藤○架○小○雨○撲○闌○干○非
烟○非○霧○看○掃眉人去也依○舊○文○君○寡○和○得○白○頭○吟○
酬○他○買○賦○金○

桃源憶故人

五更酒醒銅壺咽。一枕屏山寒怯。枝上子規聲切。叫

破○梨○花○月○ 鴛○鴦○樓○下○人○
煙○洲○解○散○同○心○雙○結○水○面○
鳴○箏○誰○撥○夢○繞○春○江○闊○

滿江紅 青溪九日

雨○過○溪○頭○早○一○抹○秋○容○如○昨○曾○記○得○徵○歌○選○伎○少○年○
行○樂○祖○道○長○陪○東○冶○譙○登○高○又○赴○西○園○約○任○帽○簷○欹○
側○笑○參○軍○風○吹○落○ 青○樓○夢○年○來○覺○烏○衣○隊○天○涯○各○
對○殘○山○剩○水○斷○猿○孤○鶴○庾○信○哀○時○徒○有○淚○馬○卿○授○簡○
還○能○作○儘○青○蚨○顧○影○倒○金○尊○相○醅○酢○

前調 廣陵弔古

落日西風。何處問隋家宮闕。徒徒倚竹西歌吹。雷塘
烟月。舞袖影隨螢火暗。權詎聲逐龍舟沒。最傷心一
片玉鈞斜埋香骨。更乍起悲笳咽。人未散。哀箏激
看殘脂剩粉。淡粧濃抹。繡幙依徊。三婦艷。華燈冷落
千門寂。笑樊川空自許多情。腸堪結。

前調

都城元夜

火樹星橋。數不盡禁城行樂。凝望處春寒乍減。雪殘
鵝鵲碧月高懸。三殿啓黃柑徧賜。千官躍問金吾放
夜自年年。今何若。仙掌動星光薄。蓮漏轉。箏聲劇。

看酒樓花市。鬧蛾跳索。共道昇平。今再見。踏歌影裏。
人如昨。笑疲驢。醉墮者爲誰。貧方朔。

前調

天壤王郎。雅自負。金蘭領袖。憶多少。聯輿接席。五陵
豪右。海內英雄君。與操尊前風雨。今和舊。問幾人耐
久。似玄同。空回首。忘形契。今何有。絕交論。君知否。
笑浮雲。變態白衣蒼狗。文舉座中詩酒肆。武功門下
炎涼。致買春絲。細細繡平原。真吾友。

霜天曉角

畫樓靜悄。簾幙東風繞。二十四番花信。今過得幾番
了。問春春已老。惜花花漸少。又是一番憔悴。蕉葉
上雨聲小。

玉燭新

自揚州夢斷。歎幾遍東風。流年潛換。無端信馬看花
去。又被鶯聲屢喚。玉壺貰酒。都不是舊游庭院。凭闌
久。一片冰心。笑謝杏梁雙燕。試聽津鼓頻催。早纜
解春江。綠烟零亂。相看獨有明明月。蓬底濁醪徐勸。
分香解珮。回首十年恩怨。重拈起薄倖青樓。杜郎公

案

十二時

段橋邊。澹烟斜日。吹盡枝頭飛絮。但歲歲送春歸去。
不解留將春住。鬪草池亭。賣傷天氣。別有關心處。念
繫馬。柳外高樓。漏下丁丁。猶自牽人私語。曾幾時。
雲階月地。不與東君爲主。狼籍苔衣。飄零蝶夢。一枕
菰蒲雨。向晚來酒醒。閒情知在何許。最愛他呢喃
燕子。雙剪差池如故。見說來年韶光依舊。再踏章臺
路。只恐明鏡裏霜華又添幾縷。

念奴嬌 京江寒食

清○明○近○也○聽○江○城○處○處○賣○花○聲○切○客○路○尋○常○無○酒○債○
寂○莫○怎○消○寒○食○睥○睨○風○高○坳○堂○雨○漲○午○夢○回○簷○鐵○定○
巢○語○燕○向○人○徒○自○饒○舌○遙○想○歇○馬○亭○邊○遺○箬○墜○履○
多○少○閒○踪○跡○憶○自○踏○青○人○散○後○春○色○年○年○傷○別○司○馬○
多○情○樊○川○易○老○撚○指○成○今○昔○不○如○歸○去○新○蒲○早○晚○堪○
結○

前調 京江清明

闌○風○伏○雨○甚○春○光○能○到○倦○游○人○眼○縱○是○清○明○天○氣○好○

閑過閒情一半店舍。錫香山厨餘煖。遮莫流年換。數
聲啼鴉。落紅飛繞千點。聽得簫鼓迎神。定波門外。
百戲堪留戀。十里鈿車芳草路。早又夕陽人散。燕燕
催來。鶯鶯教去。彷彿鈞簾畔。新愁舊恨。銷磨風骨。何
限。

風流子

洞庭張樂地。濃陰滿。垂柳蘸芳洲。記度曲樓臺。歌名
宛轉。鬪茶行院。鄉號溫柔。幾番更笑。遺紅半臂。背索
錦纏頭。再世尋盟。三生片石。百年同老。一舸輕鷗。

可憐憔悴損。回眸望。渾似杜牧揚州。說甚花間撲蝶。
燈下藏鈎。悵日落西園。美人何在。香銷南國。團扇空
留。往事不堪重憶。付與東流。

千秋歲

章江旅舍

流鶯聲切。啼過清明節。千里外。催春別。江魚乘漲起。
籬筍驚雷拆。空想像。故人難黍經年濶。好句無心
覓。濁酒旋消得。白日曉。愁昏黑。爐存香斷續。鏡掩燈
明滅。人醉也。柴門獨閉深深月。

荷葉盃

真箇浣紗人去。何處花底月朦朧。碧天雲海路重重。
只在宋家東。記否憑肩私語。曾許一縷繫紅絲。海
棠開後是前期。珍重小腰支。

羅敷媚

樊川老去風情在。數盡淡紅。落盡淡紅。彈指流光似
轉蓬。傷春更是兼傷別。生向愁中。死向愁中。驗取
心香一寸濃。

偷聲木蘭花

桂堂西畔人千里。辜負月華清似水。消息無端烏鵲

飛○來○夜○已○闌○。錦○衾○香○煖○留○君○住○。悲○喜○五○更○空○絮○絮○。
一○舸○鴟○夷○。明○日○西○風○又○別○離○。

酒泉子

紅○豆○拈○來○。幾○回○博○得○周○郎○顧○。纏○頭○親○自○解○。流○蘇○酒○重○
沽○。玉○壺○傳○點○月○糝○糊○。一○聲○人○醉○也○。蜀○茶○花○底○問○當○
罇○。夜○淡○無○。

萬年歡

怨○雨○愁○雲○。十○年○來○幾○回○腸○斷○京○洛○。記○得○青○門○沽○酒○。繡○
簾○珠○箔○。賀○老○琵琶○尚○在○。領○一○隊○霓○裳○仙○樂○。蘭○缸○卸○珮○。

解湘腰。當時曾悔輕諾。芳洲遍生杜若。奈不堪持
贈。漂渺天角。剪就清光。猶恐錦字難託。他日劉郎重
到。試驗取翻。皆紅藥。應消盡鏡裏芙蓉。幾人還上粧
閣。

一叢花 支硎山中

一○天○翠○引○諸○峰○萬○樹○小○桃○紅○當○年○採○藥○人○何○處○憑
誰○問○流○水○西○東○放○鶴○尋○芝○呼○龍○種○草○指○點○白○雲○中○
半○生○湖○海○歎○飄○蓬○冷○落○舊○游○踪○青○鞋○布○襪○行○休○矣○何
妨○便○喚○我○山○慵○去○住○無○心○興○亡○滿○眼○還○擬○叩○支○公○

賀新郎

鄒園

一夜陂塘雨。弄春晴鶯聲破曉。花陰轉午。舊是風流
愚公谷。對客圍碁。脂墅歎。昔日經營良苦。費盡黃金
教歌舞。問朱樓十二誰爲主。空淚灑。揭車塢。平泉
梓澤知何所。儘當年紅圍翠繞。錦衣巢許。一笑尊前
蕉鹿夢。過眼流光如鷺。算爭似竹籬蓬戶。吾愛吾廬
蓉湖上。看筆牀茶竈。差能具。聊寄傲。足千古。

感皇恩

一點酒旗青。蕭蕭暮雨。春在行人斷腸處。黃河南岸

極目幾行烟樹參差猶記得清江渡。白玉闌干綠
陰庭戶。未必容華鎮如故。山陽笛裏別有淚零無數。
從今休更被東風誤。

水調歌頭

北固山

躡屐上霄漢。宮殿鎖青濤。丹崖翠壁對峙。眉際鬱岩
堯。北望神州一氣。南指飛流九派。慷慨發長謠。匆匆
羽書下。刁斗沸江臯。悲終賈。傷老大。困無聊。天留
半壁勝地。燕雀且逍遙。閩苑瑤池何在。便擬乘風歸
去。玉女笑相招。海上碧雲起。直接赤城標。

解語花 胥江夜泊

嚴城靜悄。秋月高高。偏照人孤寂。數聲瑤瑟。蓬窗下。
不斷欲歌欲泣。鸞離鵲別。教司馬青衫頓濕。漏漸移。
把盞臨風。今夕知何夕。回念霸圖歷歷。望鴟夷縹
緲。空悲浮革。吹簫乞食。當年事。說起令人淒絕。興亡
瞬息。惟剩有烟波千盞。都釀成江上愁心。一夜頭堪
白。

師師令

愁邊吟就。約略黃昏後。夢中顏色。画中看。訝底事兩

脣長皺。料得傷春兼病酒。與沈郎同瘦。鴛鴦繡。感
羅衫袖。半是啼痕透。誤人消息第三番。又屈指采茶
時候。若問章臺人在否。道青青如舊。

踏莎行

陌上遺簪。車前擲果。輕嚔淺笑人人可。衆中雙眼向
誰青。不成真箇消魂麼。抱影偷眠。尋聲索和。蓬山
宛在銀墻左。看他嚔笑受他憐。一生只是思量過。

卜算子

歲歲帶書來。夜夜依人住。他是羈棲我是家。住也繇

他住。一一護巢歸。兩兩窺簾去。他自雙飛我自單。
去也。繇他去。

鳳凰臺上憶吹簫

繡幙螢飛。文梁燕別。一牀塵鎖琵琶。對銀燈黯淡。細
雨檐花。記起渭城離恨。第一是印臂丹砂。心期在。十
分珍重。付與兒家。年華都成逝水。儘病憶愁吟。睡
損堆鴉。縱金釵明鏡。榮及巾珈。何似蓬頭椎髻。長相
守舊里。桑麻。抽帆早。蜀牋重疊。還報秦嘉。

前調

戴勝啼感。將離開老。年年愁病相兼。似春蠶婉婉。坐
損青縑。弱骨不禁憔悴。詩酒外。觸目生嫌。忘飢慣。無
多消受。笋白櫻甜。親緘迴文小楷。待人約黃昏。險
韻同拈。奈紫姑頻卜。靈鵲虛占。曾向維摩受記。綺語
戒筆。舌交嚴東風緊。閉情別恨。又上眉尖。

倦尋芳

渡淮

荒雞乍唱。缺月微明。催動行客。百里淮陰。一霎馬蹄
風疾。望王孫何處也。釣臺空。斷碑三尺。幸歸來。又無
端翻起。寸腸千結。驚心是烟生店舍。細柳新蒲。眼

底凝碧。屈指明朝。早又踏青時節。揚子津頭。連日夢
黃公。爐畔經年別。願從今老江南。醉鄉頭白。

小重山

花○墜○闌○干○香○霧○橫○尋○思○前○夜○夢○不○分○明○樓○前○一○樹○柳○
青○青○人○何○處○獨○自○嚙○流○鶯○ 懊恨目難成。幾番辜負
也。玉奴情。低頭故故避人行。非薄倖。直是可憐生。

解連環

亂帆零雨。對清尊。漱灑。緩歌金縷。便醉裏暫解離愁。
奈燈暗酒醒。兩眉還聚。寂莫芙蓉。但回首。露汀烟渚。

聽琵琶水面宛轉。玉人枕畔私語。無端頓成間阻。
望關河浩渺。有恨誰訴。縱解寄千里相思。怕回雁峰
頭。峭難飛度。天未羈魂。夢不到。綠窗朱戶。倩西風一
時吹轉暮雲斷處。

鳳凰閣

黃石磯

對蕭蕭水驛。暗風吹雨。行人已到消魂處。解道今番
更苦。何似休去。斷送也。一身飄絮。不堪回首。花下
剪燈私語。寄來雁字。知何許。歸思切。渺長江。突被攔
住。愁。不。了。斷。磯。烟。樹。

月上海棠

夜過亦園

綠烟飛向空中滅。語墻陰、香砌暗蛩切。人去淮南。桂
堂空尚飄金屑。何時再醉我元龍百尺。霓裳小隊
經年別。乞新詞、可記舊吟客。昔日蓬萊卷西風。不堪
追憶。傷心是一點。窺人壁月。

青衫濕

湖上重九

如絲小雨如鈎月。併作十分秋。桂花落盡。菊英開未。
問信浮鷗。白衣送酒。紅萸簪帽。舊日風流。菰香膾
美。雙螯勝雪。誰醉蘭舟。

錦纏道 簡冶生

老矣中郎。禁得病魔顛倒。爲情多易生煩惱。蠅頭細
檢懷人草。看傷春傷別。總是相思調。想繡佛前頭。
沉香影小。憑寄語。肯容輕到。隱囊紗帽。鎮清閒。怕離
羣寡和。空索梅花笑。

木蘭花慢 登報國寺毘盧閣

望丹樓縹緲。憑廣漠。俯神京。漫約掠單衫。狙攀猿挂。
目懾心驚。日初臨。仙掌動。正鬱葱。佳氣滿蓬瀛。消渴
年年依舊。幾時分。賜金莖。萬家春樹。壓層城。在苒

歲華增問郭隗臺邊。東風芳草。知爲誰生。笑烟雲旋
過眼。漸刼灰銷盡。古今平。只有西山如畫。照人長自
青青。

畫屏秋色

高郵道中

野日荒荒白。望泱泱千里。關河一色。蹙社風高。射陽
波遠。片帆飛急。官柳倚長亭。想青眼似曾相識。依舊
是傷心。碧問淮海風流。於今何在。剩得城鴉。檣燕助
人嗚咽。遙憶蕪城佳夕。潦倒處。帽簷欹側。神絲帳
底。水沉烟裊。玉簫吹徹。轉眼又三年。等閒難覓愁踪。

跡浪打船頭如雪。無可奈何時。惟有邗江皓月。應照
夜來清切。

齊天樂 閏端午次宋人韻

送梅還是迎梅雨。摧殘兩番重五。楊柳風多。芰荷香
細。只益眼前淒楚。釵符綴虎。醉幾遍蘭舟。玉人金縷。
寂莫今朝。彩虹高挂日亭午。年年楚詞寫就。望瀟
湘雲水。揮淚千古。扣缶悲歌。解衣盤礴。別有反騷新
句。流光暗度。儘潦倒中山。竹梧深處。莫管嚴城。夜涼
喧戍鼓。

惜秋華 楚江秋思和友人作

黃鵠磯頭。卷長空。涵湧銀濤無際。楓葉蘆花。蕭條晚
秋。天氣吳門。匹練熨回首。歎息鱸魚正美。徒贏得一
番俯仰。一番憔悴。滴盡沉湘淚。對江山清峭。差強
人意。夢裏高唐何在。不堪重記。但看怨雨愁雲。暗鄉
關。有書誰寄。迢遞問西風。塞鴻來未。

南鄉子

生小自侯家。的的香喉未破瓜。借問玉容誰比數。如
花。簾幙重重護碧紗。月落絳河斜。一曲琵琶悶轉

加○謾○道○司○空○渾○見○慣○天○涯○咫○尺○蓬○山○萬○里○賒○

一剪梅

酒○月○琴○風○憶○舊○遊○半○在○杭○州○半○在○揚○州○無○端○春○色○冷○
於○秋○也○爲○鶯○愁○也○爲○花○愁○夜○闌○獨○自○倚○香○篝○拈○盡○
詩○籌○數○盡○更○籌○相○逢○何○處○木○蘭○舟○夢○斷○樓○頭○腸○斷○江○
頭○

臨江仙 秦淮酒樓

桃○葉○渡○頭○風○起○處○柳○梢○明○月○初○圓○擎○杯○長○望○玳○筵○前○
樓○臺○春○正○滿○燈○火○夜○無○邊○憶○自○苑○城○人○散○後○秦○淮○

然○景○物○年○年○美○人○可○是○舊○嬋○娟○後○庭○無○限○恨○一○曲○淚○潛○

前調 華林寺荔枝

吸盡芘茅花底露。渴來日上三竿。絳綃生壁水晶寒。
稍同崖蜜潤。絕勝越梅酸。日啖僧寮三百顆。通身
仙骨珊珊。愁他一騎取攜難。華清新浴起。倚遍赤闌
干。

春風哀娜 江樓

向江山佳處。結箇層樓。凌碧落。俯滄洲。倚危闌。彌望

烟濤無際滔滔東注。千古安流。弔罷湘靈。歌殘楚些。
橫笛何人更上頭。情到片雲都入夢。悲來香草亦生
愁。笑我一行作客。五湖三泖。閒風月零落誰收。詩
社長。酒泉侯。時乎不再。老矣焉求。無業堪消。維摩十
笏。有錢可買。陶峴三舟。寄聲鷗鳥。道倦游司馬。歸來
早晚。同泛清秋。

青玉案 青山庵

松風不斷西神路。聽隱隱疎鐘度。綠竹紅泉雲起處。
山開一面。平湖如掌。恰好當窗戶。憑高送目斜陽

暮望七十奇峰青可數。頓洗胸中塵幾許。何時了却。尚平婚嫁。結箇茅菴住。

水龍吟

嘉樹堂有懷秦對巖楚游

曉來雨過園林。草堂雲日開清晝。方池水漲。小橋低跨。綠陰如舊。舞鶴將雛。浴鳧引子。啼鶯尋偶。問主人何去。曲廊深鎖。同嘯傲。幾時又。太史年華。方富。算風流從來未有。花亭月榭。紅兒按拍。雪兒把酒。何事樓樓。關山險阻。學牛馬走。到江潭可也。愴懷搖落。漢南楊柳。

金菊對芙蓉

武林弔古

千里提封。亡吳霸越。古今幾遍滄桑。問宋家遺事。一
倍堪傷。六陵廢後。冬青老。寢園空草白。霜黃弄潮聲。
裏驚濤濺雪。夜夜錢塘。金牛出沒。何常指六橋花
柳。半壁斜陽。比浣紗人面。憔悴相當。憑誰借得東風
力。綴春工。依舊成行。重教洗出。淡粧濃抹。夙昔容光

柳梢青

真娘墓

墮鳥遺簪。銀塘西畔。幾遍追尋。鶻鴂聲低。荼蘼花老
又是春深。空悲斷水遙岑。竚立久樓臺夕陰。無限

相思歸來窗下寫入瑤琴

虞美人

清○霜○入○鬢○垂○垂○老○風○骨○銷○磨○了○石○城○西○畔○問○盧○家○幾○
尺○晚○潮○和○月○浸○蘆○花○千○金○一○紙○書○難○寫○朔○雁○歸○來○
也○呼○燈○重○擬○十○香○詞○正○是○綠○窗○籠○袖○擁○爐○時○

摸魚兒

送嚴藕漁太史假旋

黯○將○離○水○村○山○郭○悽○悽○望○中○烟○樹○折○盡○春○明○門○外○柳○
舊○是○踏○青○行○處○君○少○駐○聽○對○坐○黃○鸝○絮○絮○枝○頭○語○落○
紅○如○雨○但○把○酒○高○歌○歌○終○起○舞○休○唱○渭○城○句○
歸○田○

計。未必君恩便許。御屏姓氏曾註。故園松菊依然在。
只恐留君不住。君且去。算廊廟山林。出處原無據。惟
君與余。辦一葉扁舟。蓉湖藕蕩。風月迭爲主。

燭影搖紅

傳臚日初度自壽

看破青衫。夢魂不到明光殿。早來親向玉階遊。兩袖
香烟滿。拂拭看花雙眼。指十二朱樓連苑。參差猶記
走馬章臺。去年人面。彈指流光。鬢絲暗逐東風換。
揆余初度是今朝。遲日鶯花煖。富貴了非吾願。願對
酒。一生長健。滄江東去。膾美荻香。些兒堪羨。

玉漏遲

鮑崔汀歸自真定招飲寓齋出童子
度曲索句

別君寒食後。吟牋賦筆。拋殘几牖。一刺傳來。翻怪玉
驄歸驟。幾許愁紅怨綠。把今日償他清瘦。杯在手。留
鬢滅燭。殢人依舊。是誰譜就新詞。教付與檀槽。曼
聲徐奏。良夜迢迢。拈盡盒中紅豆。一種佳人難再。算
不減十眉連袖。月墜否。城烏亂鳴高柳。

齊天樂

早朝

靈毳夜半天街雨。東華暗塵都盡。夾道紗籠。鳴騶得
得。絳幘雞人相應。銅龍漏靜。漸日上采。懸彩雲高凝。

縹緲螭頭。栢黃新帔御牀迥。瓊林乍消宿酒。效山
呼萬歲。驚喜交并。隨例承恩。宮袍妬煞。只隔花磚一
等。班名玉筍。怕憔悴潘郎。遽凋雙鬢。輸與滾闌。曉眠
人未醒。

疎影

豐臺芍藥

洗紅亭館。謝東風着意。次第勻染。生色真香。傍砌翻
階。新粧鏡裏偷換。三千綽約從空舉。儘抹過尋常妖
豔。似漢宮秦輦。平明喚起。盈盈都遍。當日平山堂
上。翠尊同勝賞。繡幙高捲。酒美花穠。玉腕擎來。一簇

帶○圍○新○剪○劉○郎○譜○後○黃○荃○老○誰○更○與○別○開○生○面○到○斜
陽○烟○柳○參○差○想○見○綠○窗○人○倦

青門引 送宛仙姪出塞

郭隗臺邊酒旗歌板。算來幾共兔華圓缺。離合無端
陽關三唱。人向馬頭催別。扣角書生耳。似從軍遠投
砂磧。盧龍絕塞。短衣孤劔。寸腸千結。珍重阿咸吟
筆。儘虎卧龍跳。海天空濶。諭蜀文成。嚇蠻書就。一笑
頽囊纔出。甚矣吾衰也。覺對此壯心偏切。三秋轉眼
芙蓉鏡下。聽伊消息。

丁葑園 彭曰。陶村令慢。能于蘊藉沉凝中。吐其柔

淡芊綿之致。故于寫景琢句處。字字工巧。讀之
神情灑然。

聶晉人 先曰。簡在以名進士起家。博極群籍。出其
餘技。選調譜聲。絕無近人雕琢尖新之習。陽羨
陳迦陵謂其有清真之秀麗。運白石老與雅。用
梅溪之琢鍊。運君特之工緻。能不爽與當代諸
公爭雄長者。捨簡在其誰哉。

曾道扶 王孫曰。陶村詞調聲按格。辨體程村。別派

分支窮流盡。真傑作也。

名家詞鈔目錄

廬陵 聶先 晉人

纂定

長水 曾王孫 道扶

南耕詞

宜興 曹亮武 南耕

采桑子 四調

催雪

尾犯

沁園春

醉花陰

水龍吟 三調

念奴嬌 五調

臨江仙 二調

芭蕉雨

洞仙歌

水調歌頭

三調

竹枝

鳳凰臺上憶吹簫

剔銀燈

過秦樓

鵲橋仙

酷相思

師師令

壺中天慢

滿江紅

二調

雨中花

風流子

蘭陵王

浪淘沙

四調

摸魚兒

二調

賀新郎

四調

齊天樂

八聲甘州

永遇樂

破陣子

眉嫵

望湘人

聲上慢

六州歌頭

爭蝶鬧。莫道無香。孤客春山。佳人空谷。相對休教憶
故鄉。將茲景。且低吟薄暮。添入詩囊。

醉花陰

卽事

坐傍閩蘭香暗瀉。把酒簾兒下。雙頰暈微紅。似醉如
羞。脗語看難罷。重來莫待花將謝。密意真無價。明
月滿空亭。底事因循。誤了團圓夜。

水龍吟

和章質夫韻

梁間雙燕呢喃。翩然爭逐。飛花墜。朱顏應惜。又隨春
減。暗添愁思。鬪草偏慵。薰香都情。鏡奩長閉。任韶光

妍媚。渾如中酒。欹珊枕。眠難起。聽罷三聲杜宇。倩
誰將。斷魂重綴。屈指今番。回頭往事。越教心碎。翠幕
低垂。悄無人影。沉沉似水。拚燈昏。月落。安排綃帕。搵
淒涼淚。

前調 再和前韻

人間竟有姮娥。姍姍環珮。從天墜。蕊珠標格。幽蘭心
性。東風情思。鬢影眉峰。撩人倦眼。嗟睽難閉。縱肝腸
灰冷。何曾見。慣當初夢。重提起。頻囑分携。休遽似
綿綿藕絲。連綴半晌。逡巡也。教直得。輕魂都碎。月上

花梢還須嬌臉。笑臨春水。莫香闥寂寞。紅綿貼枕。清
相思淚。

前調

憶毘陵故園

吾家水木殊佳。當年宛爾如圖畫。月明春曉。風清秋
晚。紗窓無鱗。桂樹香濃。芙蓉艷冷。醉眠深夜。况歌喉
婉轉。雙鬟織手。又相送。鞦韆架。邈矣簷鈴巷。板更
寂寞地。衣裙袂。舊時賓客。不聞朱履。烏啼花謝。世事
皆然。幾能長好。舞臺歌榭。只夢中。還認西園梅樹。在
松陰下。

念奴嬌

九日登大別山喜遇岳觀復丁適菴

蕭然僧院正無聊。無賴強登高去。大別山前。擡望眼。
何限纍纍坏土。却月城孤。郎官湖冷。不見晴川樹。黃
花開未。一番重九。虛度。詎料禹廟門邊。故人瞥面。
執手相而汝。同是画溪南畔客。好似蓬飄重聚。霜鬢
塵污。青萍氣短。失路憑誰訴。且沽村酒。倩忘今夜羈
旅。

前調

月夜登晴川閣同岳觀復賦

碧天明淨。正風吹木葉。一江寒水。攬入幾行寒夜。叫

日○落○帆○檣○如○薺○歷○歷○晴○川○。萋○萋○芳○草○。鸚○鵡○洲○猶○是○行○。
吟○澤○畔○。有○人○懷○古○深○矣○。四○望○大○別○山○前○。禹○功○疏○鑿○。
遺○廟○千○秋○峙○。今○夜○月○華○看○似○鏡○。隔○岸○笛○聲○初○起○。攜○取○。
胡○床○呼○來○酒○伴○。醉○倒○南○樓○裏○。庾○公○當○日○。想○應○風○致○如○。
此○。

前調 廬山春度

空○山○十○載○。記○禪○房○聽○盡○晨○鐘○暮○鼓○。直○到○匡○廬○高○萬○丈○。
方○信○峰○危○無○虎○。雲○海○春○深○。松○濤○夜○湧○。不○住○真○何○苦○向○。
未○歸○夢○。今○番○那○肯○重○作○。爲○訪○五○老○三○泉○。黃○崖○白○鹿○。

踏盡嶽嶽路。此景人生能幾見。莫嘆天涯羈羽。怪石
爲朋。閒花作伴。不受他鄉侮。清涼臺上。夜深時共僧
語。

前調

辛亥中秋同朱子葆王子心龔仲震許
傳舟胡莘莊諸子集楊陶雲署中賞月

章江門外。正素波千頃。盪胸空濶。竟日尋遊良不惡。
天朗氣清時節。先我而來。連檣而至。袞袞皆人傑。論
詩載酒。客懷原自軒豁。况逢滄遠堂中。官閒似水。
同看中秋月。徹夜銀燈相掩映。桂影團團香發。如此
風光。直須屯守。不怕先投轄。玉山頽矣。唾壺還被敲

缺

前調

餘將有鄧尉訪梅之行二隱兄已
嗽月病瘧不克偕登詞以發之

世○間○奇○癖○算○吾○家○兄○弟○兩○人○而○已○不○羨○神○仙○兼○將○相○
一○樣○貪○山○嗜○水○屋○角○栽○梅○籬○間○種○菊○此○外○無○生○計○向○
來○相○見○酒○酣○悲○嘯○同○起○今○日○欹○枕○題○詩○時兄有病
中十詠
俯○床○煮○藥○二○豎○何○堪○爾○焦○腑○憑○陵○真○可○殺○况○誤○半○春○
花○事○鄧○尉○香○浮○銅○坑○白○徧○所○少○惟○君○耳○誰○爲○七○發○瀕○
行○聊○爲○歌○此○

臨江仙

卜居南礪作

盡日悶如狂醉。雨師偏灑落。窺人意。一霎雷轟風厲。
爲挽萬斛銀河。炎蒸都洗。遙望海天。墨暝屋瓦。砵
碾起。似萬馬。驍騰戰場勢。今夜除取新涼。料得湘簟
雲幃。儘吾好睡。

洞仙歌

昆陵西郊僧院訪雲臣

餘寒料峭。泊春堤沙蘆。爲覓吾鄉老名士。溪山還共
有。無限韶光。何自苦。偏做客身閒寄。僧鐘停梵唄。

指點斜廊。屐響蹀然乍驚喜。執手漫論心。却道無慘
吟情在竹枝詞裏。

時雲臣以竹枝
十數首見示

悵日落風吹片帆

歸○只○一○樹○梅○花○伴○伊○孤○睡○

水調歌頭

宿清涼臺作

鬼○斧○問○何○日○四○面○鑿○爲○牆○我○來○却○自○天○上○僵○僕○下○清○
涼○老○樹○陰○森○若○暝○怪○石○嶽○嶽○欲○壓○相○對○轉○倉○皇○坐○久○
一○僧○出○雲○霧○滿○禪○房○ 瞰○絕○壑○臨○斷○礪○度○危○梁○小○亭○
不○滿○八○尺○亭○外○短○松○強○况○有○芰○荷○擎○蓋○照○着○夜○深○明○
月○香○氣○撲○衣○裳○蕭○颯○未○成○寐○枕○畔○水○淙○淙○

前調

將過洞庭夜醉韓老家作

小○泊○太○湖○口○未○值○過○湖○風○茫○茫○雪○浪○千○頃○山○色○有○無○

中○自○笑○非○商○非○估○總○爲○訪○梅○情○熱○此○意○許○誰○同○明○日○
洞○庭○去○雙○槳○劃○晴○空○喜○我○至○具○雞○黍○是○韓○翁○老○春○
慣○爲○余○釀○韓善釀余酒素相○勸○有○醉○濃○不○枉○吳○天○生○
長○且○向○醉○鄉○作○達○涼○月○滿○船○篷○兒○起○唱○銅○斗○吾○唱○大○
江○東○

前調

奉贈楊巽居學博兼壽
太翁冷泉先生七十

憶○昔○酒○仙○句○不○厭○敬○亭○山○其○中○果○產○奇○士○來○下○講○堂○
醜○酷○似○君○家○伯○起○又○似○江○都○董○相○漫○說○此○官○寒○我○愧○
最○鴛○鈍○亦○側○絳○帷○間○心○旦○旦○口○媿○媿○腹○便○便○今○年○

四十強仕。恰戲綠衣斑。况有生徒千百。敬獻一觥醇醴。相與慶團圓。座上龐眉叟。莞爾爲開顏。

竹枝

聞美人吹簫

碧玉樓中吹玉簫。有人孤枕夜迢迢。何須製此銷魂曲。惹得愁心帶夢飄。

鳳凰臺上憶吹簫

閨怨

臉粉慵調。口脂嬾點。日高猶未梳頭。怕一簾花影。又惹春愁。况是年年三月。恹恹病獨擁衾裯。鴛鴦心處。韶光似水。肯爲誰留。幽憂懽騰過也。把輕魂銷盡。往

事都休。算兩行清淚。朝暮長流。縱得夢中歡笑。醒來想沒甚根由。空腸斷。無人說與。倚徧南樓。

剔銀燈

寒燄

憂觸琅玕欲碎。聽慘罷六花。還未。撥盡炎灰。磨殘凍墨。一盞寒燄斜背。連宵天氣。怎過得光兒逾細。直是冷清清地。記起十年前事。熱處情親。燒時心熱。那怕夜長難寐。如今何意。照不了五更滋味。

過秦樓

寒月

皓魄難圓。素娥常寡。此事費人愁思。霜風淒處。冰雪

凝時。依舊清輝垂地。只恐立向短簷。削骨侵肌。那堪
端視。笑窺簾映戶。却遭拋撇。紙窗深閉。憶共爾秋
夜。尋花春宵行酒。屈指爲時。曾幾。人間薄倖。世上辜
恩。觸着暗彈清淚。斜掛天邊。一輪絕似無繆。羈臣孤
子。惹雙眸炯炯。獨擁寒衾不寐。

鵲橋仙

新秋暴風雨

雨爭雲疾。風兼雷怒。幾拔亭前花木。鄰家老榦作龍
翔。似頃刻天吳翻覆。炎威頓退。秋懷早潤。那待推
完。三伏噴冠。今夜不成眠。只怕捲杜陵茅屋。

酷相思

自題果亭

結箇小亭名曰果。聊容膝。娛吾老。喜借樹鄰家看綠
巧。日出也東偏。好。月出也東偏。好。曲水溶溶山外
繞。一幅倪迂稿。有無數。閑花開不了。春來也聽啼鳥。
秋來也聽啼鳥。

師師令

謝茉莉

夜○香○燒○未○卸○雲○鬟○重○理○蘭○湯○浴○罷○趁○微○涼○漸○摘○到○瓊
葩○仙○蕊○銅○盒○忽○憑○青○鳥○使○遞○帶○人○芳○意○是○花○不○比
春○花○膩○却○天○然○妍○麗○冰○肌○玉○骨○最○堪○憐○銷○盡○了○晚○來

炎氣好似江妃初解佩。伴陳思濃睡。

壺中天慢

果亭寫懷兼示叙彙上人卽用見贈原韻

數椽不是楊雄宅。頗怪旁人輕比。蔣翳半從隣舍得。
微映朝霞如綺。壘石憑虛。種松作蓋。箕踞看雲起。橫
琴試鼓。鏗然一曲終未。久已懶惰非常。阿師潤絕。
恨知予無幾。忍到飢時寧詣謝。何用陶胡奴米。短咏
長吟。淺斟深酌。此外非吾事。晝眠驚覺。老魚跳躍池
尾。

滿江紅

蔣綬菴先生入山相訪兼承惠貽旋有峩嵒之遊賦此贈別

朝復暮。雲膩山尖。衣潤水沉添。午夢初甜。一些些。事怕沾黏。只有昨宵詩未了。險韻重拈。

前調

疎雨滴芭蕉。艷冷芳消。柳枝難比舊時腰。秋意早知人意改。做出蕭條。書帙也須拋。錦字誰挑。便逢花月轉無聊。記得春來如中酒。不自今朝。

前調

雪意滿霜天。清冷誰憐。點燈時節思綿綿。半晌和衣粧未卸。枕損釵鈿。欹側不成眠。風透窗邊。輕魂飄。

泊○夢○難○圓○捱○得○五○更○寒○漏○盡○似○歲○如○年○

摸魚兒

感舊

怕○東○風○惹○人○腸○斷○瘦○紅○肥○綠○時○節○小○樓○昔○日○凝○粧○處○
縱○有○花○枝○誰○折○眉○兒○撮○空○記○取○垂○楊○院○落○朦○朧○月○香○
殘○粉○滅○剩○壁○上○鸞○箋○奩○中○鳳○翠○幽○恨○怎○銷○歇○十○年○
事○梁○燕○至○今○能○說○繁○絃○聽○罷○悽○絕○明○妃○偏○向○燕○支○嫁○
天○把○紅○顏○埋○沒○魂○恍○惚○似○訴○盡○當○初○花○底○輕○離○別○画○
圖○頻○揭○悵○弱○影○亭亭○竟○隨○春○去○杜○宇○爲○啼○血○

前調

無題

小池間碧痕初漲。昨添幾陣新雨。洛妃偏愛凌波戲。
花底潛移蓮步。回眼覷。映瘦影盈盈水面。憐嬌嫋。黯
然無語。算一種輕柔。三分羞澀。總是斷腸譜。方留
戀。忽似驚鴻態度。回身難教伊住。十年謫盡相思味。
問。有。何。時。堪。訴。憑。夢。去。還。只。恐。夢。中。不。識。香。閨。路。看
看。日。暮。想。賦。別。江。淹。鍾。情。杜。牧。應。解。恁。般。苦。

賀新郎

訪琵琶亭故址

司馬真情物。記當年客舟相送。酒闌時節。楓葉蘆花
秋風起。誰撥琵琶淒切。覺此際最難離別。商女含悲

繞訴罷。溼青衫。淚比珍珠脫。重把盞。醉明月。我來
往事都銷歇。只酒酒。嚼吟澎湃。怒濤如雪。舊日孤亭
休借問。何處斷碑殘碣。有亦被晚潮埋沒。明夜卸帆
江岸宿。怕潯陽烟樹懸天末。聊共影。浩歌發。

前調 月夜舟發九江用其年兄蘆雁圖韻

滿引村醪罷。陡然看江山如此。有誰能回回首。楚天
千萬里。直欲乘風而下。愁渺渺。誰知我者。人隔鄉關
風土異。聽鄰船沒箇江南話。頻淚灑。悲秋夜。片帆
一任奔濤打。正蒼茫。玻璃千頃。銀河欲瀉。鴈落蘆汀。

花似雪。混混水天都化。幾明滅。漁燈鱸鱖山枕橫。施
眠未穩。恐驚魂一去。招猶怕。涼月向波心掛。

前調

同次山訪叙彛不值題壁而返卽用其
元日感懷韻

隱隱僧龕火。忽相思。挈舟造訪。一帆風大。算到村西
精舍裏。定許笑顏同破。只咫尺。離情封裹。底事雙扉
敲不應。小詞兒去。共何人。做松徑冷。暮雲鎖。無膠
藉草誓空坐。料春山也嫌岑寂。留予頗可。偏是阿師
歸未穩。晚飯誰炊。香糯兼負了。梅開婀娜。今夜幸逢
明月好。照狂徒再掠溪梢過。題此闕。壁間浣。

望梅 題徐渭文鍾山梅花圖

真龍曾降。記千門灼爍。九重闕敞。種鍾山萬樹梅花。
想舊日東風。一夜都放。寶馬香車。爭先出烏衣門巷。
更宸遊十里。綴雪含珠。香浮仙仗。如今有誰吟賞。
料當初花塢。盡成榛莽。忽憑君幾尺丹青。恍玉闕猶
存。瓊枝無恙。夢遶秦淮。又誰把興亡低唱。只一天明
月。還照數峰江上。

齊天樂

梅廬花月下送原白之燕

相逢只合花前醉。人生更須何事。皓月當頭。輕風拂

面。况。是。賞。花。天。氣。君。真。豪。士。飲。直。似。長。鯨。酒。酣。而。起。
爲。我。狂。呼。安。能。鬱。鬱。久。居。此。明。朝。便。將。作。別。贈。君。
無。一。物。盍。教。重。洗。竟。向。燕。臺。巷。無。飲。酒。此。夜。相。思。千。
里。如。君。才。技。取。富。貴。何。難。猶。換。囊。耳。遙。指。春。江。奈。離。
情。似。水。

八聲甘州 釀酒用東坡詞韻

釀。瓊。漿。漸。熟。似。潮。來。驚。心。歲。將。歸。算。安。排。春。甕。玉。釭。
輕。擘。幾。剩。餘。暉。死。便。道。傍。埋。我。此。語。未。全。非。了。却。一。
年。事。爛。醉。忘。機。記。取。最。難。拋。汝。是。猛。風。獵。獵。朔。雪。

名家詩句
霏霏人到中年後。樂事料應稀。壓糟丘。珍珠碎滴。願
床頭滿貯。莫相違。何須慮賞花天氣。典盡春衣。

永遇樂

喜候水部入山踐杜鵬之約用采邊詞韻

似○三○章○先○定○籃○輿○早○上○晨○關○已○放○來○共○狂○生○消○領○還○
一○夜○枝○頭○盡○沾○啼○血○便○傳○花○信○摒○擋○輕○衫○安○排○短○屐○
相○伴○秦○松○漢○栢○月○底○蕭○蕭○清○影○御○碑○亭○畔○天○池○千○
尺○照○徹○鬚○眉○如○鏡○活○火○茶○香○行○厨○飯○熟○泉○竇○泓○然○井○
直○揆○五○老○雲○開○霧○霽○歷○歷○彭○湖○帆○艇○連○宵○醉○筆○琶○滿○
耳○那○須○更○醒○

破陣子

寒更

長夜難憑酒力。覺來分外凄清。迤到枕函三兩點。敲
入心窩四五更。須知白髮生。歷歷從前若夢茫茫。
向後堪驚。倍覺布衾寒勝鐵。多恐金壺漏欲冰。小窗
殘月明。

眉嫵

毘陵歸舟憶內時方臥疾

算施衿未幾。合。香。無。何。雲。鬢。已。霜。染。半。世。黔。婁。婦。貧
兼病。懨懨晨暮如魘。倩誰針砭。怪蒼公今日無驗。徒
歸去。莫辦。為。價。更。愁。入。心。坎。遙。念。殘。燈。微。閃。卽

鹿門未遂。怎便衰減。但願霍然起。長相對泣向牛衣。
何憾。逢窗漫掩。正停杯斜艤村店。料此際夢回也爲
我黛眉斂。

望湘人 端午

早輕籠鴉髮。薄襯蟬紗。綠絲纏臂雙結。果罷綃蛛。裝
成繭虎。狀遍諸般毒物。半黍鈴兒。一星扇子。還添釧
葉。要繫他齊上釵梁。費盡綠窗周折。細碾硃砂。蒲
屑。勸玻璃小醖。映來如血。染就好心腸。莫負女兒佳
節。漸醉眼。覩斜陽。將滅。試展箏紋涼徹。頻私祝。藏下

靈符○禁○住○今○番○離○別○

聲○聲○恨○

輓周煥娘煥娘者松江人武弁女也
有殊色性極聰慧孤潔技能無所不

少尤愛彈三絃所適不偶不與近未幾鬱
鬱死猶處子也其盟姊某痛念之因感賦

天○公○甚○憐○落○紅○頰○古○來○直○是○一○例○世○上○王○郎○何○限○
定○諧○殊○靈○傷○心○只○有○小○三○絃○設○他○嫁○時○衿○幌○魂○斷○也○
向○泉○臺○恰○似○好○花○辭○帝○ 陽○道○三○條○絃○裏○曾○訴○盡○凄○
涼○許○多○情○事○剪○紙○燈○前○怎○得○喚○伊○更○起○雙○珠○昔○輝○合○
浦○自○分○攜○黯○淡○久○矣○念○此○否○想○怨○魄○還○灑○別○淚○

六州歌頭

廬山天池寺作效張孝祥體

匡廬萬丈，翠峯倚青天。披積雪，踰錦澗，躋崖巔。趾摩

肩。上有天池寺，自勅建。耀金碧，異法物。歷浩劫，尚巋

然。一二老僧出，揖禪房。啓容我安眠，但喧唳飛瀑。六

月晝生寒，石壁噴吮，仰難攀。下臨絕壑，瞰雲海。聽

天籟，非人問，誰種樹。秦皇帝，海棠妍。二千年，莫訝無

人識。遲我至，與流傳。上霄峰有海棠數千株，相傳秦

櫻桃名之。余始爲表彰。虎不到，罕鶯燕。稀鳥鳶，只恐夜來星斗

手。堪摘皓月同圓，有峰名五老。天樂會群仙，欲往從

焉。

史雲臣

惟圖

曰。南耕詞穠麗之中。自有雅健雄深

之致。二八女郎耶。銅將軍耶。使紫衣伶人歌之。

當作何評

蔣京少

景邪

曰。予校刻瑤華集。於南耕詞。輒愛弗

忍割。然弗能盡登。每遇杲亭。手其一編。至於移

日。因更爲訂定。郵付詞鈔。南耕賦性洒落。嘗讀

書。匡山累歲不返。近蹴里舍。梅花放時。往往攜

襍被。隨一奚奴。爲洞庭鄧尉之遊。蓋歲以爲常

也。以此知南耕有大過人者。讀是編也可以觀

其所託矣。